

Բանասաց՝ Ռուզաննա Հակոբյան, 1997 թ. Արցախի Հանրապետություն, Գանձասար, բռնի տեղահանումից հետո բնակություն է հաստատել ՀՀ Հրազդան քաղաքում: Պատմում է Ռուզաննայի բերդի մասին:

Բանահավաքչական արշավախումբ՝ Ն. Վարդանյան, Գ.Շազոյան, Ն.Սահակյան, Լ.Խաչատրյան, Հրազդան, հունիս, 2024:

Ռուզաննայի բերդ

Մեր շենի մարդիկ ասալըն, վեր էտ Ռուզաննան շատ սիրուն ախչիկա իլնլ: Իրա ըրա սիրահարվալա այլ ազգի մարդ, որոնք դեմըն իլնլ հայերին ու օզալն վեր ոչնչացնեն: Էտ մարդը վեր պետքա փսակվեր Ռուզաննայի հետ, էտ ախչիկը համաձայն չի իլնլ, որովհետև տա համարվում ա դավաճանություն, եթե ամուսնանա: Բայց էտ մարդը շանտաժիյա ենթարկում, ասալա եթե փրսակվիս վուչ ինձ նըհետ, ինձ կընության չըկյնս, ժողովուրդեն վերացինանըմ, ու հատուկ ձեռքով մարդկանց ղըրկլանըմ ու վերացնեմ:

Էս Ռուզաննային մի մուտանայա ինձում, էտ մուտանան կարմիր աշկավա ինձում: Էտ աշկեն մասը պեցվում փակվում ա: Ռուզաննան որոշում ա, որ պիտի փրկե իրան ազգեն ու համաձայնում ա էտ մարդուն նըհետ ամուսնանա: Ու իրա պատվիրակներեն ղարկում ա, վեր ասեն, որ համաձայնա փրսակվե: Ու օր ժամ որոշումըն, օր ժամ որոշելուց առաջ Ռուզաննան որոշումա վեր հինչ պիտի անե ու էտ մուտանեն ակը, որ պեցվում փակվում ա, ակին մեջ թույն ա լցնում: Ինքը որոշած ա ինձում, որ կնության օրը, վեր փրկե իրան ազգեն, էտ որոշած օրը էտ Ռուզաննան քինում ա արդեն հանձնվում էտ մարդեն ու ասում, վեր տու պիտի խոսք տաս վեր իմ ազգես նի չըս կիլան: Արդեն, որ փսակվալըն, Ռուզաննան թույնը խմում ա ու մահանում: Էս դեպքերը տեղիյա ունենում հենց էտ բերդում, տրա հետի էլ էտ տըղը կոչվալա Ռուզաննայի բերդ:

ԲԱՌԱՐԱՆ

Ինձ նըհետ- ինձ հետ

ղըրկլան-ուղարկել

մութանա-մատանի

աշկ-աչք, ակ

պեցվել-բացվել

նի չքս կիլան- ձեռք չես տա